


# Wenesh Edming Giigoonh Dnowa Ge Mwaand

Wenpash Ontario Gimaa-naang miigwem mzinigan zhinoogemgag mnik giigoonh ge mwaandba. Aanind gonda giigoonhig mjihi e'weshkaamgag bi mwidoo-naawaa. Memdige dash kwewag wo binoojiinhsmijig miinwaa binoojiinhag mshi 15 e de nsa bboon-gizjig maanda daa naagdoonaa-aa. Nooj aanind gonda maanaas-kaagnaa-aa giigoonhing eteg.

Gchi gimaan e nokiiitwaad gaa zhi schoonwid gewii maanda giigoonhin nda kenmaan endgwenh ji bmiwdoonid gegoo mjihi.

Mzinigan wo naagdoong Gchi Gimaa-Gamigong (Health Canada) nji zhichgaade. Wiindmaading mziniganing dgo biigaade dbaamjigan weni mekgaade giigoonhing gji-zhwan wiiyaaswid. Kaayii dash aanind wa giigoonh daa mwaasi, dbishko gonaa zhaghay, akon, biijnna miinwaa gwokoonhsan. Mii zhiwe washme teg awi mjihi. Mnig ge mwaandba giigoonh wiindmaadim maanda mzinigan naagdoong. Wene ge dnawag giigoonhig ge mwaan-dwaaba endingaazwaad 1700 nowanch ngoji Ontario.



Giishpin giyaabi gegoo wii kwedweyin, e Zhaagnaashii-biigaadeg maashge e Wemtigoozhii-biigaadeg, gdaa giigid Gimaa-naang, Giigoonh Enji Nda Kenmind, **416-327-6816**, Wenpash **1-800-820-2716**. Giishpin wii zhibiigeyin, zhibiigen.

## Wo Zhi Nakaazang Naagdoo Mzinigan

Zhawanong Ontario nukehiing, Giiwednong Ontario nukehiing, miinwaa giitaa Gchi Gamiing, dibi go endni-gaazod giigoonh wiindmaagemgad mzinigan endso bezhig zaaghiganing miinwaa ziibiing, mnig ge mwaandba giigoonh.

Gii debnad wo giigoonh ga dbizhwaa, kina go e kwobiigzid, ndibaang biinish go zawaanagoong. Wii nzidwinwad giigoonh gaa debnad, naabin dbaamjig mzinigning.

Nda waabdan zhibiigaadeg aanii pii gaa ndinad wa giigoonh. Zhibiigaade mnig ge mwaandba dbashiish mzinigning wiindmaa-gemgad wenesh danoo giigoonh miinwaa enginad. Niizhing maabiisin maanding mnig ge mwaan-dwaabaa. Ntam netmising, kina wiya daa naagdoon. Eko niizhing, kwe wo binoojiinhsmid miinwaa binoojiinh dbashish 15 e nsa bboon-gizid daa naagdoon.

Aanii nching ge mwaandba endso ngo giizis, enginad wa giigoonh, miinwaa gaa ndinind zhibiigaade. Giishpin eta miiksewaad enginwaad,

dnowag, endni gaazwaad giigoonhig k'daa naagdoon zhibiigaadeg mnig nching ngo giizis ge mwaand-waaba.

| Length/<br>Longueur  | 15<br>6" | 20<br>8" | 25<br>10" | 30<br>12" | 35<br>14" | 40<br>16" | 45<br>18" | 50<br>20" | 55<br>22" | 60<br>24" | 65<br>26" | 70<br>28" | 75<br>30" | >75 cm<br>>30" |
|--|----------|----------|-----------|-----------|-----------|-----------|-----------|-----------|-----------|-----------|-----------|-----------|-----------|----------------|
| <b>Emily Lake / Lac Emily</b>                              |          |          |           |           |           |           |           |           |           |           |           |           |           |                |
| Sauger Twp./Canton de Sauger, Sturgeon Co./Cté de Sturgeon |          |          |           |           |           |           |           |           |           |           |           |           |           |                |
| Northern Pike <sup>5</sup>                                 |          |          |           |           |           |           | 8         |           |           |           |           | 4         |           |                |
| Brochet <sup>5</sup>                                       |          |          |           |           |           | 8         | 4         |           |           |           |           | 0         |           |                |
| Walleye <sup>5</sup>                                       |          |          |           |           |           | 8         |           | 4         |           |           |           |           |           |                |
| Doré <sup>5</sup>  |          |          |           |           |           | 4         |           | 0         |           |           |           |           |           |                |

**Giigoonh Mwaand Nooj Enginad, Nooj Yaawid Maage Nooj Ngoji Gaa Ndinind**  
 Giishpin giigoonh mwaand nooj enginad, nooj yaawid maage nooj ngoji gaa ndinind, gdaa maandoongdaan, Mnig wo bkwebnind ngo giizis

endso wiisining wo debsed. Kaayii washme daa mwaasii, maanpii dash gaa maandoo-biigaadeg mnig wo mwaand giigoonh, naabin page 2 kinwaaj-biigaadeg.

| Mnig ge<br>Mwaandba | Waandmaagengag               | Pakwebnind Ngo<br>Giizis Mnig<br>wo Debsed |
|---------------------|------------------------------|--|
| 8                   | 8 endso ngo giizis wiisining | 1/8  |
| 4                   | 4 endso ngo giizis wiisining | 1/4  |
| 2                   | 2 endso ngo giizis wiisining | 1/2  |
| 1                   | 1 endso ngo giizis wiisining | 1  |
| 0                   | Gegwa mwaake                 | -  |

**Maajing Daawe Gamigong-  
Gaa Giishpnanind Giigoonh-  
Miinwaa Wegwendig go Giigoonh**  
 E giishpnanind giigoonh daawe gamigong, ke nda kenjaaaza. Canadian Miijim Nda Kenjaadeg aabdeg daa shpi-gaabwiimgad miijim nda kendming. Aanind go bangii mjihii tedig. Giishpin dash wiigo mgosh-kaach wii mwad, daawe gamigong endnad, miinwaa nooj wii mwad ezhnaagzid, noondaaj k'daa mwaa. Naabin page 7 dbaamjige mzinigan ka gnawaamdaan.

**Giyaabi gegoo wii kendman,  
gonda ka debnag**

Sport Fish Contaminant Monitoring Program  
 Ministry of the Environment  
 125 Resources Road.  
 Etobicoke ON M9P 3V6  
 Tel: 416-327-6816 or 1-800-820-2716  
 E-mail: sportfish.moe@ontario.ca  
 Website: www.ontario.ca/fishguide